

暇

老

齋

雜

記

服老齋雜記卷之十七

石民茅元儀止生著

涪翁云、在康莊塵埃中、嘗苦人事奪光陰、得岑寂處、可讀書作字佳耳、余以天下非至靜不能御紛、所謂至靜者、固不以外境生感、然下手功夫、須有此一段積聚、所謂自家把柄也、故得靜坐一二年、不唯為讀書作字之益而已、余自幼以孤子當室、且未免奪於舉業、每發猛願、未兩月即為事奪、今住江村一年、實生平未有之靜、蓋平生情緣不斷、在家有親故之擾、在外有賓客之擾、即往年遷入石址山中、寂處繞一

月而四方好奇者裹糧而來矣。所以有文債如祖課。詞人成聚都句。今在此數人往還之外。更無他客。即至密者。亦非五六日不一見。而妻子不在。啼飢之聲。不聞。生產既遠。便已付之逝水。獨食草具。安之固然。破衲敗椽。若出故我。每日閒寂如老僧。自謂稍稍得力。但身尚待罪。病復交加。雖付死生度外。未免雲點太空。故雜文詩歌。頗以百計。雜記稗家。可至數十卷。而終未能成一書。以寫衷懷。作字未滿百。即復偃臥。于小者尚如此。大者豈能得力耶。

党彥進在許昌。有說話客請見。問說何事。曰。說韓信。

即杖之。左右問故。曰：對我說韓信，對韓信亦說我矣。彥進粗人也。今之公卿視之何物。然兩頭蛇愛之而不悟，尚不如彥進矣。

史貴世官，官廢則貴世才。司馬談之子遷，劉向之子歆，班彪之子固，尚矣。後尚有王詮之子隱，姚察之子簡，李太師之子廷壽，劉知幾之子鍊，而後更無聞矣。嗟乎！

平生山水癖，若自性成。管波斯人來聞，相古墓有寶氣，乃謁墓鄰，以錢數萬市之。墓鄰諱不與。波斯曰：汝無庸爾也。此墓已無主五百年，其墓鄰始受錢。波斯

發之見棺衾服肉潰盡唯心堅如石。鋸開觀之佳山水青碧如画。傍有一女靚裝凭欄凝睇。盖此女有愛山癖。朝夕吐吞清氣故能融結。至於如此。余胸中當不止山水。其山水者當自結胎時挾來也。

玄家每事摹訪禪家。如道藏所演實可發一噓。禪有南北宗。而玄自宋金而後亦分南北宗。南則天台張用成。其學先命而後性。北則咸陽王中受。其學先性而後命。先性之言又浸浸禪矣。二教迭為縱橫。然每讓禪一着。先此着便分勝負矣。

高皇帝致陳友諒深入而破之。此最險最奇。然誘之

者康茂才也。嘗疑康與友諒雖有舊，然虎關之恃，何得輕信老隸之言？自取廢墮。友諒亦人傑也，應不至此。然國史野紀俱莽言，所以按康公神道碑出宋潛溪筆，其詞曰：「偽漢陳友諒舉國入寇，攻陷我姑孰，殺戮我吏民，意將窺我南京。」上召公謂曰：「爾不疑我乎？」公頓首謝。

上曰：「汝既不相疑，宜作書遣使偽降友諒，為內應。」招之速來，來仍給告以虛實，使兵分三道以弱其勢，方知其所以也。蓋康公善間，屢抗我師，勢窮來歸，上下皆未信其心也。觀上自問之言如此，則友諒必久

億康公之有叛志也故因而問之其問乃成微乎微乎問豈易言哉然其精微之妙又在三分之以弱其勢執史筆者徒知速致之意而不知分弱之妙則速致亦可以速禍也此又非文士之所知也至康之老隸告友諒曰木橋上聞而易之以石水之間無關係也而上必易之者蓋正以惑搖其心惟白樹以標也而龐涓之心先亂矣故萬弩之得成此變微乎微乎其即深於兵者亦不盡知也

秦少游句云著書如結髦聊乃忘憂耳三復斯言為之孤欣豈特獲我同然因悟昭烈止因不能著書耳

莫笑人作酸腐生活、昧却英雄本色也、雖然、亦皆能免孔明一呵哉、

張芝臨池學書、池水盡墨、鐘繇入抱牘十年、木石盡黑、趙子昂不下樓、巖山每日坐衙署寫一十字、竟進膳、至于帝王、若唐文皇簡板上作字、夜半起把燭學蘭亭叙、宋思陵寫千字文八百餘本、而我作輟如此、豈可漫謂脫中有鬼、

解大紳作平浪戾晏公記云、張真人過風呂、梁戾救之得免、真人為章奏帝、命提點九江八河、真人不能御風、而乃使帝授神以柄耶、可發一噱、

唐宋諸君能書者多本朝唯宣廟為留意

神廟亦端雅然去古間矣書法不如古豈非上作之耶高皇雖不以藝名然解大紳之授中書實以能書文廟選天下能書者館之文淵使溧陽端木武庫教之盛歟聖人之用心也宜國初書學稍勝歟宋末忠義文山最著今其集在也自贛州勤王以前未嘗見其憂時之語唯知瑞州日有題碧落堂句近來又報秋風緊頗覺憂時鬢欲斑終集唯此語耳蓋當時秋望當事方輯福華之編故天下岌岌而士大夫不敢一語憂時然亦以酣戰近二百年如久病之

果如正生之言止矣
明眼人哉

家不復以病為事、故不特度宗琴酒自娛、似道蟋蟀
平章而已也。往年遼事起、上自公卿、下至閭里、無不
有懼心。今遼禍不解、而晉禍倍之。士大夫以及田畯、
無不相忘於無事。我於宋事、不勝汗下。

宋時文移短式、如申狀則曰具位某照會、不如今之
呈為某事也。復云須至中聞者、即今之須至呈者也。
其曰門示、即今告示。

宋時省劄除官、即今之部咨劄付也。今辭官者不繳
原咨劄、而宋時則寄本州軍資庫、如得辭則繳進也。
此亦古今一異。

宋時吏為姦弄文書者、失配外、仍槌碑石指、宋時用法仁厚、然待賊官姦吏、則重于今、

宋時七品亦得廢子、國初亦然、今之法、後所裁耳、其明堂廟邾廢子、即今覃恩所廢之恩生也、新天子即位、凡知州郡者、遣子弟修土貢、例得推恩、今唯存問大臣、則有此例、遣賀登極、雖政府亦不得矣、

宋仁宗時士釋褐入見、賜戴記中、中庸大學儒行篇、今中庸大學、得濂洛表章、孤行于世、而儒行仍隨行於禮記、豈真有幸耶、雖然、有問矣、非不幸也、

王荊公改創、最不合理者、莫如廢儀禮、獨存禮記之

科、荆公受世人砒數百年、而此法反至今奉之、可嘆也。自晦庵欲以儀禮為經、而取禮記及諸經史雜書所載有及於禮者、皆附於本經之下、而具列註疏諸儒之說釋之、如此書得成、較之集註四書詩易、其功十倍而反不成、可嘆也。

宋時曾布修定神宗實錄、舊本則用墨書、新修者用朱書之、刪去者用黃抹之、每一卷竟納禁中、將滅其迹、而使新錄獨行也。及梁師成用事、自謂蘇氏遺體、頗招元祐諸家子弟為道之、諸家子幸其書尚存、固勸令傳錄、師成如其言、而舊本遂傳。及紹興中以昭

慈太后之言、令范中等判定、舊文墨書、刪去者黃書、
新修者朱書、世謂之朱墨史、今光廟實錄成于初
者、太約出張侍郎鼎之手、而葉少師向高取裁焉、及
以黃給事承昊之言、魏閣學廣微輩、復啖魏堅忠賢
令改修、及告成之日、則今上改元之歲矣、衆正未
登、書仍進呈、頒賚、送至皇史宬、諸公有欲焚舊本者、
大璫王體乾不可而止、今尚兩存之、是年、余在長安、
宋中翰獻以職事、至皇史宬、乃目擊以語余者、此史
無不復之理、而幸其不毀、可以省一番修復矣、不然、
雖有傳本、未敢據以為實也、師成體乾、俱非賢奄、而

天意寓焉。熙豐紹聖中，史官范祖禹得罪而冲即祖禹之子，孰謂非天乎。

國家禮制，可商者多，而無過於祫之位次。

太祖興，四祖並南向。列聖左右序東西向。夫祖無二尊，如五祖可以同南向，列聖不可以干尊。四祖獨可以無本乎？誠不得其解也。

太祖成祖二廟有功臣配享而列聖則無世廟更定禮成時禮官言禮有功宗之祀漢祭功臣於高廟，首蕭曹唐高祖至憲宗廟，或六七人或二三人。宋太祖至光宗亦然。如魏徵李沆司馬光皆文臣不

必皆武功也守成也君亦皆有與享者不必皆創業也我朝開國靖難固有功臣仁宗以後輔贊治本豈無如魏徵李沆輩者乞下廷議考求六朝文武大臣有功在當時澤在後世者請定裁進脩上不允夫帝王廟祀異代之君尚有脩者而列聖獨無豈非闕禮之大者歟遇世廟而不及為又因循數葉矣即二廟功臣不論時代而統以列爵亦失禮也逆璫祀宇徧天下其犯大義莫甚于太學千大分莫甚於留都神功監留都神宮監者所以奉孝陵之祀事者也今太學首倡之三生已擬大辟而李三才者

孝陵衛指揮首倡改神宮監者也乃止擬戍其主謀之數奄猶得自便田里法之失平議法者亦當深思也

文華殿太子視事之所也武英殿上齋戒時居也後以文華殿近慈聖宮故上每居之而太子講學遂遷南廡至世廟建九五齋於文華殿以為致齋之所而武英致齋故事不得聞矣

子夏對魏文侯問謂溺音者四鄭音好濫淫志宋音燕女溺志魏音趙促數煩志齋音驚辟驕志四者皆淫于色而害於德是以祭祀不用也通論者徒言鄭

衛而不及宋齊何也。乃夫子論為邦。又止曰放鄭聲。又不及衛何也。豈舉一以例其餘耶。亦各有所見耶。觀子夏之言。正合論音。不論詩義。音即今詞曲之腔。義則詞曲之文也。此與夫子所言鄭聲正相合。而考亭乃以鄭衛之詩皆淫詩。如其淫詩。則夫子刪之矣。何為而存。不知刪詩者采其風。即淫詩而亦當存。況非淫詩而必儘目之為淫乎。詩與為兩道也。故曰興於詩。成於樂。而宋儒直不解此。宜其膠執也。武平一謂唐中宗曰。樂有胡部。此所謂韎任侏離之音也。先王斥遠之。陳之門外。聊以備四夷之觀。昭報

達之致非美之也此日益以流宕異曲新聲哀思沉溺始自王公達于閭巷妖妓胡人街童市子或言妃主情妝或列王公名質艷歌劇舞號曰合生趙數驚辟殆亡國之音也此今傳奇之始歟

從來驗氣者必以河內葭莩灰考黃鐘者必以上黨羊頭黍唐荊州順之曰太史院景表尺乃元郭守成所造今欽天監表尺是也守成精於律曆決非苟作比市尺止得八寸強嘗取黑黍揀其中者千有二百暴乾之稱重五錢者以九十粒橫累之命為九尺與表尺果合又截竹為管長同九寸其竅上下均容一

千二百黍者吹之其聲與今之最下一聲合是為黃鐘之聲如此則正不必羊頭黍而可驗矣此古之所以稱上黨者亦止取其適中耶亦荆川增損以合其中耶律呂之學甲是乙非不知真傳孰在幾二千餘歲矣而韓尚書邦奇樂志成而九雀飛舞豈非元音所在耶蓋元音之必不滅如日月之必不毀於天山河之必不毀於地良心之必不毀於人可以其難疑其沒絕而不深求之耶

禹貢楊梁雍冀不貢繭絲而桑土宜蠶獨言於兗今之蠶事無過於揚而冀州蠶事亦可配兗又曰楊州

土下而今膏腴曰冀雍州上土而今中下皆人事以
變地力耳其不蠶而蠶土下而上者人事勝也蠶而
不勝土上而反下者人事之不力也不可委於地
人定勝天天定勝人二語似不可背獨按梁武時用
魏降人王足計堰淮水以灌鍾離役二十萬人將合
復潰或曰淮有蛟龍喜乘風而壞岸其性惡鐵乃引
東西冶鐵器數千萬斤益以薪石踰年乃成魏人徙
戍八公山未幾淮暴漲堰壞死者數十萬人初鎮星
犯天江而堰實退舍而壞天人互勝於此可見矣

暇老齋雜記卷之十八

石民茅元儀止生著

君子之敗於小人雖曰小人何人也審然君子措處亦必自有破綻如宋哲宗之初政改神宗之政用老成去太甚未為非也而神宗邊功自不可廢乃一旦必欲矯而施之此于謀國不忠甚矣烏得宣仁之後不遽變哉當時秦觀獻策有曰比日以來執事者又將矯枉而過直矣何則告許詆欺之言率然敢陳而王體未嚴也嚮背異同之見各自為守而國論未決也蠻夷猾夏寇賊姦宄隱忍羈縻莫此自罷而天誅

未迄也。當時有識者已度其必敗矣。而諸公宴然悲
乎。後一事不忠之大。而其端起於無見解。前二事於
國事似不甚關係。然事急則同舟遇風。事緩則同室
自鬪。名為爭意見。而實以角名勢。君子之所謂君子
者。安在哉。惡得而不敗乎。自宋以後。又數百年矣。每
一翻局。何不錄此。

班固曰。替殷周之雅頌。褒揚公德。是以光名著於當
世。事譽垂於無窮。今漢郊廟詩歌。未有祖宗之事。八
音調均。又不協於鍾律。而內有掖庭材人。外有上林
樂府。皆以鄭聲施於朝廷。自公卿大夫觀聽者。但識

其鏗鏘而不喻其意、欲以風動衆庶、豈不難哉、今自魏晉以來、圓丘方澤、祈穀雩蜡、朝夕羣神、各述其事、宗廟列祖、各摹其功、冠冊耕奠、各摹其指、而且分律分音、以合其節、自迎神至飲福、各適其時、可謂備矣、而聽者之不渝如故也、喻而不足以風動、更甚也、則在此不在彼、豈不昭然哉、

宋尚儒術至矣、然秦淮海進策、尚曰、朝廷試士以法者、欲其習為吏也、而假之太優、擢之太峻、至於黃綬中選、數年之間、持斧仗節、領一道之權、任二千石之重、而制策進士、留滯于州縣之官、有十年而不得調、

者。嗚呼。欲士大夫之不廢詩書而從法律也。豈可得乎。蓋宋制試法者與進士同。賜出身而制科得舉者亦必涉黜黜。本朝試法科罷。所謂文無害者。唯吏員一途。而二百年顯者寡矣。一甲三人及吉士皆不除州縣。三甲之雋亦竟授京朝官。崇儒賤法。更倍于宋矣。而吏治益不如宋。關係治否。豈繇此耶。宋時庶僚卒所賻二三十萬。如加賻者更得四五十萬。大臣且不可計。今此法不聞矣。人徒言宋嚴賊吏接踵法不勝治。無怪也。

官至大臣其勢尊矣。而恩禮又不可寂寥。故多為之。

途迂為之級使上下有稠疊此制法者之善也故宋制侍郎至僕射凡十二遷其兼侍從之職者八九遷其任執政之官猶六遷也今之宮銜自宮少以至太師凡十二遷亦此意也故尚書非兩三考不得太子少保均二品也而其難如此故人始以為榮近年凌獵極矣至武官一途自守備而始為出身乃都司遊繫叅副戎共六遷而至總兵矣總兵武臣之極也其途太捷亦非法之善也

宋當哲宗時邊防費侈矣然賂遼金帛綿絮他物不過七十餘萬西夏轉輸飛輓之費不過四百餘萬而

三江其一曰南江自水
經注南江散佚遠不可
致此條蓋即南江在
通江縣界易路也歟

國亦困矣。今之挿猶宋之遷也。今之奴猶宋之夏也。
奴所費新餉五六百萬。而挿賞遂驟至百萬。北宋錢
大約一萬。直今銀六兩耳。則宋之費尚不及今之半。
而今生財之道不能和五之一。民安得不似儂軍安
得不脫巾。國家事安得不盡壞於貧乎。

宋熙寧中。以三江既入。震澤底定。而二江並廢。獨一
松江入海。故太湖之水壅而吳興被患。遂欲廢杭州
之北閘。長安二埭。上塘之渠。以與下渠相通。又於餘
杭之南股。引苕溪之水。達於漕渠。穿錢塘之市而入
於江。以紓吳興之患。時論者皆以為然。欲行之。而萬

書舉時必為餘杭主簿固執不可而去。今吳之諺曰：「灘了長安壩，沒了吳江港。」見上港之必不可通下渠也。萬曆戊申，餘杭南湖堰壞，蘇湖侵成大浸，撫軍移湖郡守陳幼學兼治之而定。若非舊主簿，則湖久為浸矣。

封妻先封元配厚道也。然制定於本朝，觀秦淮海作徐氏夫人誌曰：「承制君元配劉氏無子，早卒。既升朝，故事得封妻為縣君。夫人請先劉氏承制君義而從之，可以見矣。」又唐宋身為郎官而妻即為縣縣之君，不如本朝自夫人至孺人，列等級之為當也。

牛李之黨紛然、是時士大夫日左右佩劍、彼此相笑、未知孰是也、其後李訓鄭注兩敗之、然訓注者實逢吉之黨也、故兩黨雖各有小人、不必論而逢吉、僧孺、夏竦、近事實類此、其兩敗也同、其兩敗之故、其人出於何黨也同、而其甲乙又何待問耶、

宋時漢人殺夷人、既論死、仍賞其資、謂之骨價、近年西虜突犯、於連之白塔峪殲之、乃增歲額數千、又無禮於大同之新平堡、僅殲其百人、乃虜我大同十數萬人、掠貨不貲、而與之平復、增歲額萬金、皆謂之人命錢、即骨價之說也、但彼之骨價太昂、何我人之

和漢紀聞遠刻契丹
人殺漢兒者皆不加刑
漢人自賤其美

骨不直一錢耶宋人猶一償而已我廼為歲額所死
之虜大有功於其國矣

世人謂王元美甚推李于麟死而背之是不然元美
為美克懋銘婦克懋于麟友也是時于麟沒矣而銘
曰不知而賢視而天不知而天視而天之天而天之
天吾天也其以而不朽也然今人感知附勢不吝二
天之稱孰肯於文字之交死而尚曰吾天哉至於抑
揚辨駁不得不爾固有人不及知矣

諸葛忠武侯父子王右軍大令俱善画載張彥遠歷
代古画記我以隆中無事正不知其作何消遣日作

梁父吟亦有厭倦時自不能不遊息於盤礴中也書中也書法通画法右軍大令焉能不善画耶

武元衡與李吉甫同年生以同日拜相武出鎮西川明年李出鎮淮西久之李得入為相武以次年十月復入相李以又次年十月卒卒之日為武生日武以又次年十月殞盜其日李生日事亦奇矣武比李早出鎮晚入相一年而其卒遂得遲二年是以二年外而易二年生也咎人朝甯不在而不欲出外天意亦如此何怪人乎

自古享國四十八年者周顯王一人耳而我

神祖匹之、謚亦為顯、當時閭臣非能遠稽也、且初謚
恭宗神皇帝、已傳示矣、而言者以隋恭帝事議之、惶
恐而改、改適符於古、異哉、

李世勣、史言其年十二三、為無賴賊、逢人則殺、元美
以為似非實跡、蓋勣十二三時、為隋高帝之末、天下
未嘗有大盜、此言何迂也、天下縱治、不容無一盜乎、
況隋高時耶、文人好教辦、每貽笑端、

宋朝推恩、不唯蔭子、可以及女、觀王荊公為歐陽永
叔女樂壽縣君、文潞公女安福縣君、制可考也、

宋沈括曰、朝庭歲遺昇丹銀數千萬、以其非此方所

有故重而利之。晉日銀城縣銀坊皆沒于彼。使其知鑿山之利。則中國之幣益輕。何煩歲餉。鄰釁將自此始矣。此亦當時之事然耳。今西虜得銀。仍以內市。彼國中不用也。

宋太宗殺其弟姪而立子。子乃即以是得心疾而廢。天道善復。不待高宗之立孝宗也。

史之職。壞于宋之李昉。宋琪二公建議復時政。記自送史館。先進御而後付有司。史安得復直筆乎。近日呂對記註進御。更取一旨申言之。尤失體矣。此宰相多讀書之弊也。

余嘗謂漢光武之得天下亦幸也其人無制馭英雄之略而好以文自飾不推至誠以及人其所以成者特以民謳歌思漢而帝稍賢于夏始梁王永劉盆子輩耳其最勁敵如隗囂無英雄之氣公孫述與帝同調而酸腐更勝之此其所以成也嘗跡其行事如隗囂本漢吏素臣于夏始何為待以敵國之禮及其既驕乃始欲正君臣之分此囂之所以至死不降也龐參避順不知其反可也而乃欲托以六尺之孤夫霍子孟一輩人豈避順者乎不敢通西域自謂保國而曰誠能舉天下之半以滅大寇豈非至願則是不能

料敵耳。非保國也。虛芳之降。問誠以待之。猶恐反側。如不能駕之。則聽其來朝。留之京師。一布衣耳。乃入朝。南及昌平。有詔止令更朝。明歲芳安得不叛乎。即位封禪。俱力辭之。而旋偕識文即事。即位不妨用術。封禪不可以已乎。凡此皆為隆準公竊笑於天上耳。近世富人肯出錢為子弟求補諸生。有費至千緡者矣。往溪恨之。偶讀漢書文翁傳。稱翁興舉學校吏民見而榮之。數年爭欲為學官弟子。富人至出錢以求之。嗚呼。豈非盛事乎。因憶國初民不肯仕。至遠遁山林以求免補諸生。今豈非盛事乎。雖然。南宋垂七元。

師至臯亭、而尚有出錢以買進士及第者、習俗移人、死而不悟、又可笑也。

龐籍、今人不甚稱之、然考其事、如狄青之得不設監軍、以成懷智高之功、种世衡得終城青澗、以開西邊之業、皆出於籍也、又如力稱文彥博之無所私、更虛公哉、大臣也、欲不列為名相、可得乎、

師舉主者出於近世、宋時、監中舉子、得第後亦止稱丈、如富彥國于范希文事、可考也、近世不受知者亦不師、如彥國之于希文、則無弗師矣、

宋時安撫使出、至藩府皆賜宴、此三代之遺也、今代

巡所至、唯以苛索下吏為事、不先以禮、而槩齊以法、非盛世之風也。

唐宋以來、以節度使帶平章事銜者為使相、然宋之樞密使、亦稱使相、樞密稱二府、然班在親王之下、不得如宰相班在親王之上也。孫高陽以輔臣理部事、復出督師、人皆稱為樞輔、自是以宰相暫出行邊耳、其兼掌部事也。祖宗朝亦有故事、故福清擬票、止稱督師輔臣、而不稱樞輔、以後則不然矣。此非必盡有意輕之、亦未諳典故耳。

呂夷簡奏言、王曾有意復入、真宗許之、乃復召、當時

宰相可自求人同官亦可為代設此本朝所無也宋之盛君臣如父子可想見矣

盜逼高郵知軍晁仲約度不能禦令富民具牛酒迎勞厚遺之盜徑去富彥國欲斬之范希文持不可希文之言是也獨彥國愠曰方今惠法不舉方欲舉法而多方沮之何以整衆希文密告之曰祖宗以來未嘗輕殺臣下此盛德事奈何欲輕壞之且吾與公在此同寮之間同心者有幾雖上意亦未知所定也而輕導人主以誅戮臣下它日手滑雖吾輩亦未敢自保也此是希文知彥國倔强詭辭以安之耳此事當

論曲直、豈法所不可恕者、亦恐滑人主之手而置之
耶、異日彥國自河北還、及國門不得入、未測朝廷意、
比夜衛遑、逸牀嘆曰、范六丈真聖人也、到此處彥國
恹態盡露矣、平日剛大安在乎、范六之言果驗、則晁
仲約未誅、仁宗何自乎滑乎、其人於生死關頭全無
下手處、宜乎希文就其性所怯、詭言以籠絡之也、
范文正天章十事、人皆以為疎闊、略一行之、衆怨紛
集、此宋人習俗然耳、幸而文正遇仁宗、道不終行、故
令譽終其身不幸、而王文公遇神宗、道行而身名俱
絀、然其十事亦實實有可行、如八曰推恩、信赦、令有

所施行、主司稽違者、重寘於法、遣使按視其所當行者、務使所在無廢上恩、此乃千古通弊、更為今日頂針療也。又時議施茶鹽之禁、及減商稅、仲淹以為不可、曰、茶鹽商稅之入、但分減商賈之利、其行於商賈未甚有害也。今國用未減、歲入不可闕、既不取之於商賈、今為計、莫若先省國用、國用有餘、當先寬賦役、然後及商賈弛禁、此宰相規局、聖人復起、不能易也。至其論邊事、則遠在韓魏公之下、況古之名將乎。李卓吾惡其議論不脫窠窟、欲列之為大將、不特不知、將亦未知相也。

暇老齋雜記卷之十九

石民茅元儀止生著

山谷老人書陶淵明責子詩後曰觀淵明之詩想見其人豈弟慈祥戲謔可觀也俗人便謂淵明諸子皆不肖而淵明愁歎見於詩可謂癡人前不得說夢也近日馮開之先生曰我輩兒子欲佳誰當不佳者其言雖不得已而發然要之於至更進此一解

惡人者無所不惡之固是癖見亦是其中味淺耳考亭每言王荊公書皆似忙中作那得有許多忙時其言幾一倡百和而山谷獨曰王荊公書法奇古似晉

宋間人筆墨。又曰。觀王濛書。想見其人秀整。幾所謂
毫髮無遺恨者。王荊公嘗自言學濛書。山谷惡荊公
亦至矣。而其言如此。直是解書耳。

山谷曰。余在黔南。未甚覺書字綿弱。及移戎州。見舊
書多可憎。大概十字有三四差可耳。觀此語。殊益人
老而好古之志。又曰。楊少師不善楷書。然亦自冠絕
天下後世。觀此語。使革行獨勁之氣勃然。

禮不王不禘。諸侯有祫無禘。後世三品以上。止可視
諸侯耳。乃開元禮。三品以上。有時享祫享禘享之文。
四品五品。時享六品以下。春祠。時享可通行於六品。

而格之禘享不得行於王公而三品以上踰之皆非禮之中也

元祐諸公若程夫子每事與王荊公異議而獨議祀典則深以僖祖為不可祧淵水涑水與韓維則深與之異至南宋孝宗升祔時復討此體諸儒魯鑰陳傳良皆主與荊公異而趙汝愚主之獨考亭則是荊公之說今本朝所用之禮則純用溫公之說矣以今觀之程朱極欲與荊公異而及其所同者反未見合乎至正也擇焉而精難以哉

濮議之興韓歐至當而議論日荒竟無着落甚矣英

宗之未英也。至本朝。世廟欲一改其說。非大勇孰能與於此。然當時羅峰立論。以繼統不繼嗣。此適於此時合耳。萬世之後。豈無育之宮中如宋孝宗者乎。當時詔廷臣議。子稱封爵號名。戶部侍郎汪應辰以當定稱皇子。本生親。帝內降言。皇太子本生親。可封秀王。母張氏為秀王夫人。此萬古不易之定論也。當時羅峰謂孔子射於矍相圃而黜為人後者。此是過激之論耳。如此則小宗繼大宗之法可廢矣。愚更有甚于是親不可忘也。稱伯伯母。即繼嗣亦不可。況繼統乎。汪君之言。茂加矣。推尊之典。不必極于帝而後。

慄也何也、天位非加贈之典也、此不特繼嗣者當以
孝宗為法、即繼統者亦然也、當時世廟亦止為
昭聖在而邵后無為藩嫔之禮、固聖人之大孝、而
後世必欲酌中正以為法、則愚言尚可思也、

嘗讀內典、其所宣之偈、將前所說重演一遍、殊無義
意、鳩磨羅什曰、天竺國俗重文、製地殷、中國人集靈
聖、其宮商體韻、以八絃為義、凡覲國王、必有讚德、故
見佛系、以歌嘆為貴、經中偈頌其式也、但改梵為秦、
失其蔚藻、雖得大意、殊隔文體、譬之嚼飯與人、非徒
失味、復令嘔噦耳、旨哉言乎、今之為銘頌者、不能重

雅真人之祖一妄庸人
載文成五利等可惡而
元明兩代庸主無識或
國蒙古人直欲因官
賢以進淫邪者皆資
以欺誤庶道遠矣不
庸兩觀之誅與哉非
此不知所以來也

出新意祇將前文敷衍成韻何以異此

天欲成人之富貴巧為之合信非人可置力也元世
祖未得位時嘗遣所信王先者者渡江為間不得達
留宿淮西者久之欲歸懼殊念胡人好鬼可以計脫
也從農家錄得張氏妖書一冊以獻因謬言臣過江
至龍虎山見嗣漢天師有神術能前知為鄉人尊信
皆稱天師語臣曰殿下入正宸極而宋亡宋亡而天
下可一也因以書授臣為信世祖喜心識之後平宋
以為信召宗演龍虎山至京問之曰卿曩者與王先
生言今驗矣卿何道知之乎宗演貽愕曾不知所出

不能對。世祖曰：往吾所遣王先生、廣顙、大目、長身，言與卿語，龍虎山卿忘之耶？宗演乃詭詞對曰：是年臣先臣嗣教臣不知也。今傳緒乃在臣。世祖曰：是而父耶？宜而之不知也。于是使領江南諸宮觀事，佩銀印，視三品世襲。今雖去天師之號，爵秩尚仍此。以聖祖之明而不能去之，以列祖鑒其子孫荒淫而不能改之，豈非天乎？然其自誇，每謂自漢至今，然實宋時始賜先生號。宋時道家及隱逸之士，賜先生號者衆，非異也。宋理宗時始賚田宅一區，漸以顯耳。國初宋方諸儒俱與其家來往，故歷開國、遼國兩好更易。

明人撰地理人子須知
其墳墓佳理如此

之至、俱得安然、即二公文辭觀之、其人亦稍自愛好
文雅耳、亦非真有所得者、至元吉而其罪當凌遲
憲廟宥之、戍邊、子玄慶擬流、其後幸脫復襲、以余所
見主教者二世、父極淫虐、子極愚魯、誠可發千古之
笑也、恬然享大位者五百年、非天作合而能如是
王韶言、武威以南、至洮河蘭鄯、皆故漢郡縣地、可耕
而食、民可役而使、王荊公主行其說、文潞公不可、李
師中佐之、奪師中官而遣竇舜卿知秦州、與宦者李
若愚按間田、僅得地一頃、又謫舜卿而韓縝主其事、
韶乃得籍以成功、內附者共十二萬人、共得州五、斬

首數千級、獲馬牛羊萬計、韶之功已彰明甚矣。而世猶以開邊為罪案。余謂潞公未履其地、懸處事勢、識膽不及、遂有異同。未為非也。舜卿附會要路、遂以為止得地一頃、及事成、說者尚以為本近邊、弓箭手地、嗟乎、好勝之弊、亦至此哉。小人善附人、其附人之心、無論所附者何人、總之犬馬所不食也。如舜卿輩、豈不為千古嘔噦耶。

嘉靖庚戌之變、大司馬丁汝夔以法誅、大司農李士翔被呵譴、褫冠服視事、法司沈良材等皆予杖、而夏太宰邦謨獨無恙。廷議時、官論趙貞吉首出、譏論。

錦衣募沈鍊飯之、邦謨目折之曰、若何小吏也、鍊曰、大吏喋弗言、故小吏言之、獨不曰主辱臣死耶耶、觀此則邦謨之罪、甚于汝夔矣、罰不及之、幸也、鍊天性如是、故後論列相嵩、以致於死、而說者尚曰、鍊恨左遷、發憤、小人之腹、何所不至耶、

嘉靖二十一年、虜入晉、殺戮二十餘萬人、莫敢言者、胡莊肅松提學山西、發憤言之、上拊髀以為忠、命擢用、而當路者嬉笑之、以為越職自炫、鬻非所宜言也、欲頓蹙敗之、擢山西叅政、備兵代州、聽撫臣委用、居數月、虜入、論罷官、崇禎元年、虜入晉、亦殺戮二十餘

萬人、余先四月言、幸余先得罪去、不然其所坐豈止
如今日耶、後且惡其先事之言、追恨不休、莊肅應笑
我之幸、我亦竊笑莊肅之晚也。

楊忠愍諫馬市疏曰、今之為謬說者、不過曰吾外假
馬市、羈縻虜、而內得自寬、修武備、今日閱邸報、不覺
啞然。

元人稱妓為樂府、元遺山句曰、醉踏扁舟浩歌起、不
須紅袖步重城、註曰、是日招樂府不至、是名亦甚雅
致。

元好問飲酒詩曰、離官寸亦樂、里社有拙言、此必當

茶與鹽斷不可同日而語則法雖立而不行固也何也

法批驗而夾帶者衆。又法商人請批驗所買引而所在獨應。天常州杭州三府于產地分遠者數千里。近不下數百里。道苦遠多費。而姓名貫址易為欺。于是用尚書王恕言。聽茶商于產茶府州納課已。即將姓名貫址買引照茶。年終該府縣各將賣過引繇造冊并收過紙鈔解部。仍具數買領。次年合用引繇各批驗所。遇茶商經過。照批驗將引截角放行。有夾帶送所在官司問理。年終具驗過客商盤獲私茶具冊申合于上司。繳部。其法未為不備。今川省番市者茶積年不行。至累數年。而內地茶戶不知官茶私茶之說。

久矣、天下之言生財者亦罔聞知嗟乎、文武之政布
在方策未三百年也嗟乎

周禮泉府之官、於民之吉凶大故適空乏莫能自致
者、為之期而賒之、至期而復之、其中窶且貧者又從
而貸之、以國服為之息、國息國俾服役于公償所貸
而止、蓋貸之財而傭其力、保息之道也、非子母之息、
至唐時尚有公廨錢、即以本取息以供諸司之公用、
其道雖非古、而我以今諸司公用勢不能已、厲取之
民、尚有庫子直衙等役可以數日之中立破其家、
世廟以來始嚴禁之、而終不能已、至以官償取之各

行戶、幾於唐之宮市、雖日為禁約而無如之何也不
如復宋之職田以養其廉、收唐之公廨錢以資其用、
如此而復犯賊私、滿貫擬辟、作正犯不作雜犯收贖、
庶乎貪風可瘳也

管子、天下奇才也、立法於萬世之上、而萬世之下莫
之能易、其論鐵者曰、斷山木、鼓山鐵、收徒擊而作之、
則逃亡而不守、發民則下疾怨而內敗、故善者與民
量其重、計其贏、民得其十、君得其三、近年神宗時
開銀礦為天下厲、不特中使虎也、其立法亦不善、使
以此法行金銀銅鉛諸冶、皆可坐享而無弊、近日袁

賢師崇煥於薊鎮開鉛礦亦用此法而辦但三與十之間苟無以稽則又坐失之矣此所謂治人治法也

洪武初初鑄洪武通寶即鑄當十當五當三折二及小錢凡五等當十錢重一兩當五錢重錢當三折二重如其當之數而小錢重一錢蓋一其輕重則偽難作而工費所省已多矣且於民之用亦甚便後其法廢而小錢重一錢二分五釐近始議除貢錢減五釐夫五銖錢為輕重得宜而古一錢五分六毫乃今之一錢而唐武德初鑄開元通寶錢徑八分重二銖積十錢重一兩千錢重六觔四兩約算易而輕重得中

以此行至今不廢、而宋時所云、民間銷鎔十錢、得精銅一兩、則又安取其重、而當十錢自余始發之、已行而為崔呈秀所廢、今尚未復、可歎也、

漢鑄錢令曰、敢以鉛鐵為它巧者、黜則是純用銅也、至新莽時、鑄作錢布皆用銅、殺以鉛錫、則今之昉也、及崇禎、而鉛勝於銅、不知與鵝眼榆莢如何、而竇本朝所未嘗有也、上日厲精、而下日欺慢、嗟乎、

新莽時、黃金重一觔、直錢萬、朱提銀重八兩、為一流、直一千五百八十、它銀一流、直千、它銀者、今之紋銀也、以八兩而止、直錢千、黃金以五換、計一觔、直今銀

八十兩而直錢萬錢貴而金銀賤於此可見此漢以來大率如此非莽新創也每讀漢書稱幾百萬幾十萬以銀計之似太多以錢計之似太少質之此始渙然矣

宋初始鑄錢其文曰宋元通寶代宋者元天若啟之耶

以紀元鑄錢始於宋太宗鑄太平通寶及淳化改鑄曰淳化元寶蓋開元通寶世有成說而或者又曰開元通寶故通元之不同也

宋熙寧初京西淮南兩浙江西荆湖諸路各置監鑄

錢、江西湖南額課十五萬緡，餘路十萬緡，有差如此，則合之天下，亦百萬緡也。近有云：歲鑄百萬緡者，舉世駭之，嗟乎。

劉晏始治鹽，歲裁四十萬緡。至大歷末，至六百餘萬緡。然其法，不過曰官多則民擾，宜但於出鹽之鄉，因舊監為置吏，置亭戶，收鹽轉鬻於商，任其所之。宋元時，官賣商賣，其法紛然。我高帝遠識，獨用晏策。今之鹽法是也。自鈔價不足，聽商人與竈戶自為交易，故雖戶口十倍曩時，而鹽利不能再倍。私鹽盛行，故也。然晏尚有一策以佐其法，凡去鹽鄉遠者，轉官鹽。

於所在貯之商絕鹽貴則減價以糴曰常平官獲其
利而民不知貴今楚苦鹽貴而黔更甚倣此法以行
之亦大有裨也

暇老齋雜記卷之二十

石民茅元儀止生著

宋初之法大率官自賣鹽有顆末二種皆以五觔為斗、顆鹽賣價每觔自四十四至三十四錢有三等末鹽賣價每觔自四十七至八十錢有二十五等至道末賣課鹽錢七十二萬八千餘貫末鹽錢二百六十三萬三千餘貫則鹽利亦實倍于今矣宋時鹽價于此可槩見當時四十餘錢不以為厲近楚鹽至十餘錢而交口詬之使袁世振者恨法之不盡行然天下食貴鹽者甚多未足為深病蓋用之有限貧者所益

與宋時有時以國謂
重則利厚而衆生
其利見利害之言

不多、富者雖多不足苦、但楚人好器、而是時熊廷弼
入土商數千金、欲以阻鹽法耳、其繁亦盡余所著冒
言中矣、

宋祥符中、轉運使張象中言、解州兩池所貯鹽計直
二千一百餘萬貫、度尚有餘利可增、帝憮然曰、地利
阜矣、過求將有時而闕、抑不許、今解池所課歲僅取
萬緡、而每以掾鹽不滿為苦、此天耶人耶、當必有詳
之者、

宋元祐間、淮鹽與解鹽歲四百餘萬緡、紹興末、泰州
海甯一鹽支鹽三十餘萬為錢六七百萬緡、此今淮

南之鹽也。今合淮北者，共增至六七十萬。而說者遂以為無餘利，恐壅積曷亦讀史耶？然其弊在於縱私鹽，私鹽不禁，即再損之，亦常虞壅積也。

本朝榷茶之地，余已著冒言中。數年以來，舉冒言所言者多矣，但未得要領耳。獨茶酒二法，人無過而問之者，以少所見也。今復詳宋法于此，蓋榷茶之法，始於唐而詳于宋。宋在江南，則宣歙、江池、饒信、洪撫、筠袁十州、廣德、興國、臨江、建昌、南康五軍，兩浙則蘇、杭、明、越、婺、處、溫、台、湖、常、衢、睦十二州，荆湖則江陵府、潭、澧、鼎、鄂、歸、峽七府，州、荆、門、軍、福建則建、劍二州，歲輸

租折稅送六榷貨務鬻之置榷茶務江陵府於真海
荊州漢陽無為軍凡六務在淮南則靳黃舒廬光壽
六州官自為塲置吏總之曰山塲十有三州軍采茶
民皆隸焉曰園戶歲課作茶輸租餘官為市之先受
錢而後入茶曰本錢又民歲輸茶折稅賦者曰折稅
茶民有茶者售于官官給其食用曰食茶凡民茶折
稅外匿不送官及私販鬻者沒入之計直輸罪園戶
輒敗毀茶樹者計所產論罪後乃稍寬商賈貿易入
錢若金帛京師榷務以射六務十三塲給茶券隨所
射與之至道末鬻茶至二百八十五萬餘貫後益稍

增至三百六十萬貫而以雍熙用兵令商人入芻塞
下即今中鹽之法而高其估遂以三百六十萬貫僅
易邊儲五十萬石入中者非盡行商多土人既不知
茶利厚薄得券則轉鬻之商若京師文引鋪商鋪因
得收蓄貿易以射利券以積滯雖二三年不足償邊
以頗乏茶法日壞于是使入粟塞下者度地里遠近
即實糧量增直給券徑至榷貨務立償以緡錢而茶
則罷本錢使園戶與商自相交易而官收其息如舒
州羅源場茶劬鬻錢五十有六官不復給本但使商
輸息錢三十有一而聽其所指地行得給券通行為

左驗以防私售、謂之貼射、若歲課不盡、官市之如舊、而以商驟失利、尼之不行、至後始行輸茶之法、而茶戶摘山者、往受錢於官、乏困於輸錢之不時入、則刑隨商賈利薄、販鬻者少、官似簡易而利大損、商民亦交困矣、蓋其法即今鹽法之變、竈戶與商自交易、其弊必至此也、此後始以王韶言行秦鳳茶、即今巡茶、御史所巡者、今止存此一路、而利亦薄矣、他之三百六十萬、竟付之莫可問、而日以簞朴南畝之民、嗟乎戎虜遠徙不常、至今日乃與漢酷似、漢時冒頓既強、盛置左右賢王、左右谷蠡、左右大將、都尉當戶之屬、

諸左王將居東方、直上谷以東、右王將居西方、直上
郡以西、而單于直代郡雲中、隆萬間、俺答獨盛、乃封
順義王者所居直大同、永邵諸部直宣府以東至遼、
吉囊諸部直陝西、今虎墩兔最盛、又身居雲中、而故
部仍直薊遼、所收服吉囊、仍直陝西、亦何其酷似也、
此固其地勢如此也。

漢故事、供億南單于、歲費九十餘萬、護西域歲七千
四百八十萬、漢時錢一萬、直銀八十兩、則是歲費銀
六十餘萬兩耳、蓋各邊備虜、歲有常供、出于戍兵自
備、此即今之撫虜與新兵也、光武尚以靡費中國聞

此坐真知存亡之人宜
孫陽之清重也甲申
三月之亥豈待自取犯
而後知步

玉門關今常供之外九邊增年例數百萬遼事新餉
復數百萬撫虜動輒至百萬而尚不思變通之術在
遠則不為速戰之計在九邊則不講復民運屯田之
策在撫虜則內外交利以為壑而入無生財之道日
敲赤子而終不可繼內離外瀆其能已乎每一念及
輒呼 高皇帝者數十

李允則治雄州水碓為深廣蓋燕南之水莫盛于雄
今久居其地未見有所謂水碓者蓋平川漫衍非阻
而激之不能為碓今坐失其利不獨雄江南亦然山
溪之間有水碓平流則無古人修法以致之不必山

溪、此民生大利、當講求也。

宋初、倉州將何承矩上疏言、臣幼從先臣征關南、熟知北邊川源險塞之處、今誠于易河蒲口導水東使、注滄海、順安高安間、東西三百餘里、南北五十七里、並築堵、蓄水、外可遏敵騎之奔軼、而內關南諸泊悉墮、開可播為稻田、即緣邊軍州臨塘水者可獨留軍為城守、無煩廣戍、而益收地利、以實邊、惟順安抵西止百里許、無水田、惟簡精銳戍之、去其冗濫、此禦邊之計也、天子嘉納、以承矩為制置河北邊屯使、而滄海以饒、此宋時塘礫之始、而水田之盛、亦可概見、今

既不用水以為險阻、則水田宜更廣而反不聞、近年始有創之者、而掛一漏萬、惜乎、然宋所資之水、其制度迴旋、于此亦略可見、

宋太祖御邊將之妙、在官不過巡簡使、而不輕易置、體勢崇重、人莫得危短、每入朝、必命坐、賜宴、洽款語、甚寵、軍市租悉畀之、令得回易、免所過征税、他賜賚不在是、事不從中覆、聽便宜制軍、此數者、皆御將之要也、而宋祖皆得之、其中最喫緊在事不從中覆、唐末之取敗、在全每事稟承于上、以中使傳宣、密旨而後戰、故功百無一就、宋末亦如此、本朝以本兵覆邊

事其掣肘更甚。蓋書生不知兵，而又強執意見，爭不必爭之權，故近日邊事至不可為。乃至以宰相行邊，而中樞復欲可否之。此高陽公所以曰：臣待罪政地。今居邊，微當以可否質之。上而中樞欲反安坐而可否之，臣不能任也。卓哉言乎。

晁錯歷述中國匈奴之所長，而繼之曰：今降胡義渠之屬，來歸誼者，其衆數千，飲食長技與匈奴同，可賜之堅甲繁衣，勁弓利矢，益以邊郡之良驕，令明將能知其習俗，和輯其心者，以陛下之明約，即有險阻，以此當之。平易通道，則以輕車材官之制，兩軍相為表。

裏各用其長技此萬全之術也此用降夷之萬世龜鑑矣近年王之臣督師于遼收降夷閭鳴秦本兵與之異終為罪案後有斬獲功僅得不罪而二公以璫故兩貶後之論之臣都尚言收降事且謂欲借降夷以求封拜此殆非也王公收降一事有百是而無一非其所引收降賞格者亦以人攻之急故引會典為言耳恐亦非初意希此也人之口繇於衷應泰經略以收降敗不知時固異也即應泰之敗降夷者在瀋陽豈真繇是乎

李德裕初蒞屬召甲人于安定弓人于河中矢人于

浙西而蜀之器械始犀利、近年徐蔭事光啓言兵事、
欲召四方之工、聚天下之材、而賢愚皆笑其愚、古今
人何不相及至此耶、雖然、使衛公一一條列而求當、
必有先今人而笑者矣、故權不在而以空言仰給于
人事、無可為也、此古今之所同也、

唐永隆初、吐蕃寇河源、將軍黑齒常擊却之、念河源
為西戎要衝、欲加戍、而轉輸險遠、乃廣烽戍七十餘
所、開屯田五千餘頃、歲收穀五百萬石、而邊安、是以
畝田而得十石穀矣、從來屯田收廣、無如此者、塞外
積粟之多、亦無如此者、世乃言屯田即稱充國、充國

不及百一也。豈有幸不幸耶？自是人少讀書耳。

生平於法書名畫、古鼎舊甕，頗亦耽嗜。然性不能留
長物，嘗典裘約口得之，見人欲之，不能自吝，故隨手
散去，終無一物。偶讀元遺山移居詩曰：我貧不全貧，
尚有百本書。故書堆滿牀，故物貯滿箱。渾渾商賈鬲，
累累漢銅章。杖飾照敬恭，嚴卯訶瘴剛。雷文繞杖飾，
獸面出佩瑛。私印刻王尊，玉斗蛟龍翔。逸少留半紙，
魚網非硬黃。亦有墨首帖，不辨作鴈行。雪景審思物，
宣政舊所藏。晉公古漁父，浩歌濯滄浪。因觀宮騎圖，
以馳後提囊。谿石含餘潤，奚墨凝幽香。南榮挂風響，

雲裾珮鏗鏘鏡背先秦書八字環中央所有亦可謂
富矣尚稱貧士耶然余書雖遭盜賊遺散尚有三萬
卷此差可做元公耶

漢元康時西羌反軍興乏張敞請令諸有罪非盜受
財殺人及犯法不得赦者使人穀自贖蕭望之李彊
深駁之夫駁之猶可也乃曰人情父兄囚執聞出財
得生活為子弟者將不顧死亡之患敗亂之行以赴
財利求救親戚一人得生十人以喪又曰天漢四年
嘗使罪人八五十萬錢減死罪一等豪強吏民請奪
假貸至為盜賊以贖罪其後姦邪橫暴羣盜並起充

滿山谷、吏不能禁、始詔遣繡衣使者興兵擊之、誅者
過半、然後哀止、此何其謬而敢于欺也、民之趨利亦
已久矣、苟無法以坊之、何所不至、豈待贖罪之故、而
始敗行以求哉、若為親戚敗行以求之、其罪則同、其
心猶可原也、正恐未多耳、至于武帝之末、盜賊橫行、
正以窮兵之久、勢必至此、豈贖罪一端、遂激此禍、是
面謾也、故曰、元帝征西夷、兵行三十餘年、百姓猶不
加賦、我以繡衣使者得斯其威、正恃此耳、若廢桑孔
之術、及贖罪之條、而如後世之加賦南畝、則土崩瓦
解、雖百繡衣無益也、然武帝時、以五十萬錢始得減

罪一等。故以司馬遷身在廊廟而力不能措。是以贖者不濫。而所收贖又足以濟邊。後之言贖者皆背此矣。所以兩敗也。

肉刑廢後。自漢唐以來論者紛紛。莫可甲乙。余以惟漢成時有一詔。欲以傷人與盜吏受賕枉法。男女淫亂。皆復古刑。而他從今制。此最得其宜。傷人枉法。加以肉刑。足以懲過。盜則其足淫去其勢。省天下多少刑罰。而又可以止邪。後世必有思我言者矣。魏陳羣亦言淫盜者宜先施行。我以四者當並舉也。然傷人亦必真折手足廢耳目。受賕亦必真枉法。而又滿八

十貫者實直八十金、方可加之無辭耳、

古律奴婢捍主、主得喝殺之、今律最詳于奴婢、只去此款、便名分倒置、風俗偷下、而官府亦紛紛多事矣、夫君以治萬民、奴婢不使之自殺、而一聽于官、且以不聽于官者為罪、豈非拂乎、

考掠之法、今寬於古多矣、舊制繫囚、不即承款、加測罰、日一上起、自晡至漏下二鼓、梁定律令、分其刻數、日再上廷尉、猶以為過輕、請詳議、今大而謀反、小而強盜、不即承款、亦在審時加掠耳、無加測罰之法也、此聖政之仁民、宥之而不知矣、然宋太宗令長使吏

五日一慮囚、情得者立決、復制聽獄之限、大事四十日、中事二十日、小事十日、其違限準官文書稽程律論、又令非人命所繫、即量罪處、弗復鞠、本朝于此二者稍欠申明、瘐死掠死、較之法死者多矣、即不死而久繫之苦、豈止一徒、鞠掠之苦、百倍于杖、而每使無罪者例當之、豈制法之意乎、

今京師決囚、以御史錦衣監之、其事始于唐、唐決死刑、蒞以御史金吾、在外則州上佐、餘皆判官蒞之、今在外則皆正官、且及巡方監司矣、

暇老齋雜記卷之二十終